



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-05-11-26761-3/21
Sarajevo, 16.07.2021. godine

OBAVJEŠTENJE ZA POSLOVNE BANKE
koje se odnosi na Javni poziv, broj: 07-05-11-26761/21 od 02.07.2021. godine

Dana 05.07.2021. godine, Ministarstvo privrede Kantona Sarajevo je elektronskim putem od jedne poslovne banke zaprimilo upit koji se odnosi na tačku j) iz poglavlja VI Javnog poziva, broj: 07-05-11-26761/21 od 02.07.2021. godine. U cilju izbjegavanja bilo kakvog nesporazuma u vezi sa ispunjavanjem uslova iz ovog Javnog poziva svim poslovnim bankama daje se sljedeći odgovor:

Ministarstvo privrede Kantona Sarajevo je u "Službenim novinama Kantona Sarajevo", broj 27/21 od 08.07.2021 godine objavilo Obavještenje o Javnom pozivu, a na zvaničnoj web stranici cjelovit tekst Javnog poziva za izbor banke/banaka - partnera za plasman kreditne linije uz subvencioniranje troškova kamate za kredite odobrene subjektima male privrede sa sjedištem u Kantonu Sarajevo. Rok za dostavljanje prijave je 30 (trideset) dana od dana objave ovog Obavještenja o Javnom pozivu u "Službenim novinama Kantona Sarajevo".

Dakle, u skladu sa ovim Javnim pozivom sve poslovne banke koje dostave svoje ponude obavezne su, pored ostale tražene dokumentacije, dostaviti i kompletan set finansijskih izvještaja u skladu sa Odlukom o formi izvještaja koje banke dostavljaju Agenciji za bankarstvo za posljednji kvartal 2020. godine. Međutim, a sa tim u vezi, ovim putem poslovnim bankama ovo Ministarstvo napominje - da, u skladu sa Zakonom o zaštiti ličnih podataka ("Službeni glasnik Bosne i Hercegovine", broj: 49/06, 76/11, Ispravka: 89/11) i drugim odnosnim propisima koji regulišu pitanja o povjerljivosti informacija, banka može zaštititi svaku povjerljivu informaciju iz predmetnog seta finansijskih izvještaja, u mjeri da tu informaciju učini nevidljivom za odnosnu stranu. Shodno tome, Ministarstvo privrede Kantona Sarajevo daje sljedeće upozorenje - banka ponuđač je obavezna da dostavi cjelokupnu dokumentaciju u skladu sa Javnim pozivom, broj: 07-05-11-26761/21 od 02.07.2021. godine, uključujući i sve dokumente koji čine set finansijskih izvještaja iz tačke j) poglavlja VI - Opća dokumentacija ovog Javnog poziva, da bi njena ponuda mogla biti predmetom razmatranja i nadmetanja u postupku po ovom Javnom pozivu.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

